



BALAI SENI NEGARA, 2 Jalan Temerloh, Off Jalan Tun Razak, 53200 Kuala Lumpur
Tel.: 03-40267000 Fax: 03-40244998 Email: pr.artgallery@1govuc.gov.my Website: www.artgallery.gov.my

EMBARGO: Tidak boleh
dicetak atau disiarkan
sebelum 22 April 2021
jam 12.30 Tengahari

SIARAN MEDIA

TERMETERAINYA MEMORANDUM PERSEFAHAMAN ANTARA UNIVERSITI MALAYSIA SABAH DAN LEMBAGA PEMBANGUNAN SENI VISUAL NEGARA

22 April 2021 - Lembaga Pembangunan Seni Visual Negara yang merupakan agensi di bawah Kementerian Pelancongan, Seni dan Budaya (MoTAC) telah menandatangani Memorandum Persefahaman bersama Universiti Malaysia Sabah dalam menggalak dan mendorong ekosistem seni visual negara. Kerjasama yang bakal dilaksanakan ini adalah menerusi Galeri Azman Hashim UMS yang mula dibina pada tahun 2017 dan siap sepenuhnya pada tahun 2020 di Universiti Malaysia Sabah.

Menyorot kembali sejarah pembinaan galeri ini, melalui dana tajaan oleh Tan Sri Azman Hashim, yang juga merupakan Pro-Canselor Universiti Malaysia Sabah telah menyumbang sebanyak RM15,000,000.00. Maka terzahirlah sebuah galeri yang berperanan untuk menjadi pusat sehenti bagi aktiviti pameran, program, simposium, konferensi mengenai seni visual. Malah perkongsian mengenai penyelidikan seni, koleksi dan aktiviti konservasi karya seni dapat diadakan bagi perkembangan seni dan budaya.

Dengan keberadaan Galeri Azman Hashim UMS ini, diharapkan juga aktiviti kesenian di Negeri Sabah dapat direncanakan dan dirancakkan kembali dalam usaha mendokong aktiviti pelancongan di Sabah, malah bakal menjadi tarikan terbaharu kepada peminat seni tempatan.

Melalui Memorandum Persefahaman ini juga diharapkan, kerjasama antara dua organisasi dapat berlangsung melalui perkongsian data serta maklumat tentang kesenian dan budaya negara. Dengan kepakaran dan kemahiran yang terdapat di LPSVN meliputi data serta maklumat berkenaan seni visual akan dikongsi dan ditambah nilai melalui Galeri Azman Hashim UMS.

Selain majlis menandatangani Memorandum Persefahaman, Balai Seni Negara melalui inisiatif terbaharu turut merasmikan program Jejak Seni Malaysia. Inisiatif ini merupakan satu projek khas Balai Seni Negara dalam memetakan ekosistem seni di seluruh negeri di Malaysia. Turut tersenarai adalah Galeri Azman Hashim UMS sebagai sebahagian dari Jejak Seni Malaysia untuk menjadi tarikan pelancongan seni selain daripada 59 lokasi secara keseluruhan bagi Negeri Sabah yang meliputi karya awam, lorong seni, galeri, studio dan residensi. Tersenarai dalam Jejak Seni Malaysia juga adalah Balai Seni Lukis Sabah yang sentiasa aktif melaksanakan inisiatif bersama para penggiat seni dalam menjayakan aktiviti seni dan budaya. Dengan adanya pemetaan ini, kesinambungan seni serta budaya dapat menyokong mempromosikan serta meningkatkan ekonomi dan ekosistem seni negara.

Malah, Kementerian Pelancongan, Seni dan Budaya (MoTAC) menerusi Balai Seni Negara bertekad memastikan fasa pemulihan semula sektor seni, melalui inisiatif strategik yang dirancang mampu memacu industri seni agar terus ke hadapan. Menurut Amerrudin Ahmad, Ketua Pengarah Balai Seni Negara "Kerjasama ini adalah antara pelan pemulihan sektor pelancongan seni serta ekonomi sekaligus bakal memberi impak positif kepada industri seni visual negara. Ia juga diharapkan dapat memacu pertumbuhan industri khususnya pelancongan secara domestik."

Tamat

#

Untuk pertanyaan, sila hubungi:

National Art Gallery

Sarifah Binti Abu Bakar Ebau

T: +60 16 494 7921

E: sarifah@artgallery.gov.my

Wan NorHidayah Wan Idris

T: +60 17 987 3303

E: hidayah@artgallery.gov.my

Unit Komunikasi Korporat

Balai Seni Negara, Malaysia

No. 2 Jalan Temerloh, OFF Jalan Tun Razak, 53200 Kuala Lumpur

Tel.: 03-40267000 Fax: 03-40244998

E: ukk@artgallery.gov.my W: www.artgallery.gov.my